



## **CONVOCATORIA DE PROBA PARA DOUS CONTRATOS EN PRÁCTICAS NA CATEGORÍA LABORAL TÉCNICO ELECTRÓNICO EN TELEVISIÓN DE GALICIA, S.A.**

### **CATEGORÍA LABORAL**

Técnico electrónico.

### **EMPRESA**

Televisión de Galicia, S.A.

### **TIPO DE CONTRATO LABORAL**

Contrato de traballo en prácticas

### **DEFINICIÓN DE CATEGORÍA LABORAL TÉCNICO ELECTRÓNICO**

Exerce funcións, eminentemente prácticas, de construción electrónica, mantemento, operación, explotación e inspección técnica. Colabora na planificación e desenvolvemento das instalacións da CRTVG e das súas sociedades.

Asiste tecnicamente os servizos da CRTVG e mantén no seu perfecto estado de funcionamento todo o material técnico dos centros de emisión. Ten iniciativa propia, debéndose axustar á normativa técnica existente, no tocante ó mantemento preventivo e ó asesoramento técnico.

### **REQUISITOS ACADÉMICOS**

Posuír Ciclo Superior de Instalacións electrotécnicas, Ciclo Superior de Desenvolvemento de produtos electrónicos, Ciclo Superior de Equipos electrónicos de consumo, Ciclo Superior de Sistemas de regulación e control automáticos ou Ciclo Superior de Sistemas de telecomunicación e informáticos.

Os/as aspirantes deberán posuír os requisitos académicos expostos antes da data de finalización de inscrición neste proceso. O tribunal pode solicitar a acreditación dos requisitos durante este proceso de selección.

## **CONDICIÓN DO CONTRATO DE TRABALLO EN PRÁCTICAS**

Os aspirantes deberán cumprir coa normativa vixente respecto ás esixencias para poder traballar en España. Para a presentación a esta proba deberán traer o DNI ou outro documento acreditativo da súa personalidade.

Non deberon transcorrer máis de cinco anos desde a obtención do título requirido, sete no caso de minusvalía por riba do 33%.

A duración do contrato non poderá ser inferior a seis meses nin exceder de dous anos. Ningún traballador/a poderá estar contratado en prácticas na mesma ou distinta empresa por tempo superior a dous anos en virtude da mesma titulación ou certificado de profesionalidade. Tampouco se poderá estar contratado en prácticas na mesma empresa para o mesmo posto de traballo por tempo superior a dous anos, aínda que se trate de distinta titulación.

O período de proba será dun mes.

A retribución do traballador/a será, segundo convenio colectivo vixente, do 70% do salario fixado na categoría laboral para o primeiro ano e do 85% para o segundo.

## **TRIBUNAL**

Jesús Argibay Valiñas, Xefe do Servizo Técnico de Televisión de Galicia (presidente).  
Juan Gómez Herrera, Técnico electrónico de primeira de Televisión de Galicia.  
M<sup>a</sup> Luz Méndez Fernández, Asesora lingüista de Televisión de Galicia.  
Paulino Novo Folgueira, Xefe de Formación, Selección e Coordinación Lingüística (secretario).

## **PRINCIPIOS DE ACTUACIÓN DO TRIBUNAL**

Os membros de tribunal comprométese a garantir os principios contitucionais de igualdade, mérito e capacidade, ademais dos de publicidade e transparencia. Igualmente se comprometen a garantir o segredo das probas.

Os membros do tribunal reciben copia do art. 28.2 da Lei 30/1992, de 26 de novembro, do Réxime xurídico das Administracións Públicas e do procedemento administrativo común.

Os membros do tribunal asinarán declaración de non atoparse incursos en ningún dos motivos previstos de abstención ou recusación unha vez se publique a listaxe de inscritos.

## **FUNCIÓNS DO TRIBUNAL**

O asesor lingüista encargárase de poñer a proba de coñecemento de lingua galega e de valorala en exclusividade. O resto de membros do tribunal encargárase de poñer as probas de desenvolvemento teórico e práctico, e de puntualas. O secretario non participará na elaboración das probas nin as puntuará.

O tribunal garantirá a adaptación que se considere necesaria para a participación nas probas en condicións de igualdade a aspirantes que padezan algunha discapacidade igual ou superior ó 33%, se for o caso.

## **INSCRICIÓN**

Para a inscrición, os/as aspirantes deberán entregar en Recursos Humanos da CRTVG da súa sede en San Marcos ou enviar ó enderezo [proceso.seleccion@crtvg.es](mailto:proceso.seleccion@crtvg.es) un *curriculum vitae* indicando que é para esta proba, no que constarán as referencias ós requisitos solicitados, incluído o de posesión, se é o caso, do certificado CELGA 4.

O período de inscrición remata o 30 de xaneiro de 2014.

Os/as aspirantes con discapacidade cun grao de minusvalía igual ou superior ó 33% deberán facer constar na inscrición se precisan de adaptación de tempo e medios para a realización da proba.

## **PROBAS**

Ás probas poderanse presentar os/as aspirantes que figuren na listaxe definitiva de admitidos.

A proba será o día 11 de febreiro de 2014, na sede da CRTVG en San Marcos, Santiago, ás 10:00 h. Os aspirantes deberán estar a esta hora na entrada das instalacións da CRTVG.

A valoración de coñecementos farase a través de:

- Proba teórica tipo test (40%). Non se penalizarán as respostas erradas.
- Proba práctica (60%).
- Proba coñecemento lingua galega.

*Proba teórica.*

A proba teórica consistirá nunha proba tipo test na que entrarán as seguintes materias:

- Tecnoloxía electrónica.
- Son: Audio analóxico e dixital.
- Colorimetría e óptica. Nocións básicas.
- O sinal de vídeo e televisión.

- Captación, control e presentación da imaxe de tv.
- Equipos, medidas e control do sinal de vídeo, audio e rf.
- Informática (software). Sistemas operativos.

### *Proba práctica*

A proba práctica consistirá nun suposto que demostre manexo de equipos de medida de sinal de vídeo, e coñecemento de conexiónado de equipamento técnico.

### *Proba de lingua galega*

Os aspirantes que acrediten a posesión do certificado CELGA 4 non terán que realizar a proba de coñecementos de lingua galega. A proba de coñecementos de lingua galega terá un grao de dificultade consonte ó programa do certificado CELGA 4, e as súas cualificacións serán unicamente de apto ou de non apto. A cualificación de non apto significará a exclusión do proceso.

Se se dese o caso, a posesión do certificado CELGA 4 (con data non posterior á de finalización do prazo de inscrición a este proceso) prevalecerá sobre o resultado obtido na proba.

## **CRITERIOS DE PRELACIÓN PARA RESOLVER EMPATE**

En caso de empate, por haber nesta categoría laboral infrarrepresentación do sexo feminino, seguiranse, por esta orde, os criterios de desempate: 1) A favor da aspirante do sexo feminino. 2) A favor do/a aspirante que tivese maior puntuación na proba práctica. 3) A favor do/a aspirante de maior idade.

## **ACCESO Ó POSTO DE TRABALLO**

Os aspirantes deberán cumprir coa normativa vixente respecto ás esixencias para poder traballar en España. Para a presentación a esta proba deberán traer o DNI ou outro documento acreditativo da súa personalidade.

Os aspirantes seleccionados deberán presentar no momento da sinatura de contrato a acreditación dos requisitos esixidos, con copia compulsada dos títulos ou certificados académicos, e informe de vida laboral.

Os/as aspirantes deberán posuír a capacidade funcional necesaria para o desempeño das funcións que se deriven do correspondente contrato laboral. Só para estes efectos, a Compañía de Radio-Televisión de Galicia poderá esixir ós aspirantes seleccionados someterse a recoñecemento médico realizado polo servizo médico da empresa.

## **PROTECCIÓN DE DATOS**

Ós efectos do disposto na Lei Orgánica 15/1999, de Protección de Datos de Carácter persoal, informámolo de que os datos dos participantes no presente proceso selectivo serán incorporados nun ou varios ficheiros, titularidade da **COMPAÑÍA DE RADIO-TELEVISIÓN DE GALICIA (CRTVG)** e das súas sociedades **TELEVISIÓN DE GALICIA, S.A.** e **RADIOTELEVISIÓN DE GALICIA, S.A.**, con sede en Bando – San Marcos s/n, 15820 Santiago de Compostela, onde os seus titulares poderán exercer os dereitos de acceso, rectificación, cancelación e oposición dirixindo ó Servizo de Informática solicitude asinada por escrito xunto cunha fotocopia do seu DNI.

A finalidade do tratamento dos devanditos datos, incluídos no seu caso os relativos á saúde, é a xestión do rexistro de solicitudes, a cualificación das probas que poderían comportar a captación de imaxes mediante gravacións, a avaliación dos candidatos e a confección do banco de datos para este ou futuros procesos selectivos, segundo o especificado no convenio colectivo vixente. Así mesmo, os datos básicos identificativos dos participantes poderán ser comunicados mediante a súa exposición nos taboleiros de anuncios e na web corporativa da CRTVG aos efectos de dar a publicidade esixida ao procedemento de contratación, así coma ós representantes dos traballadores e ós organismos públicos competentes.

Ós/ás aspirantes daráselles unha folla de consentimento de tratamento de datos.

En Santiago de Compostela, a 22 de xaneiro de 2014.



Asdo.: Paulino Novo Folgueira  
Xefe de Formación, Selección e Coordinación Lingüística